

續行水金鑑卷第一百四十七

江水 原委二 四川

大江東北流有福溪自富順縣來會 皇 朝通志

自敘州府城東東北流有福溪自北來注之 富順縣

西南境山南流約百數十里至府 東北境折東南入江 水道提綱

大江自嘉定府犍為縣流入東南流逕宣化故城北

又東遶府城北而東南出合馬湖江 大清 一統志

經南溪縣西南 皇 朝通志

又東北經南溪縣西南有桂溪自西北來注之 桂溪 出南

溪縣西北山東南流至縣 城西南入江 水道提綱

又東逕南溪縣南 大清 一統志

續行水金鑑卷一百四十七 江水一

有安寧江合琪縣長寧興文諸縣水來會 皇 朝通志

又東數里折南流中有巨灘又南十數里有小灘又

折東流有安寧江西南合琪縣長寧興文諸水來注

之 南溪縣西江心有石笋灘其東一巨灘當江流曲 處銅鼓灘也又南十數里又有石灘當江安縣之

西北灘南即安寧河口河口之東即江安城 安寧 江即綿水琪縣西南之琪溪其一源也東北流百餘

里至安寧鎮南有長寧縣東西二水至縣北東北流

合東南來一水又東北合興文縣東西北流之一水 又北至鎮南來會經梅嶺西又東北百餘里至江安

城西北入江 興文縣水即三渡河南出八望山北 流者 水 道提綱

綿水今名綿陽河源出綿竹縣西北東南流入德陽

縣界又南入漢州界漢書地理志綿竹縣紫巖山綿

水所出東至新都北入雒 大清 一統志

經江安縣北納溪縣西有納溪自永寧縣及貴州之永

寧州來會皇朝通志

東經江安縣城北折東南流有怡樂溪自西南來注

之又折而北十數里有上下二溪自北來注之又折

而東二十餘里有清溪水自南來注之又東北流有

二巨灘北受小溪水又東北經納溪縣西有納溪南

自永寧衛來注之曰納溪口納溪俗曰清水河源出永寧衛有兩源一東南

出貴州永寧縣摩泥站界一南出雪山北流經唐家灣與吼西關北水曰道場溪者合東北流至衛東南

與貴州界水合而北數十里東受二小水又北有落巖河二水北至大壩寺合東北流又南受一水經瀘

衛東又北受西來一水又東流來會又北曲曲二百餘里至納溪縣南境折西北流入江水道提綱

大江自南溪入江安境東南流三十五里至縣城北

續行水金鑑卷百四十七 江水二

又東折北流四十五里入納溪縣界大清一統志

經瀘州城南前自灌口分出之沱江合綿竹縣德陽縣

之綿水石亭江什邡縣之白魚河漢州之雒水資陽縣

之楊花溪仁壽縣之珠溪富順縣之觀音河榮縣之榮

河隆昌縣之隆橋河先後合流來會皇朝通志

又北有小水自東南來注之又北折東北流經瀘州

城南而東沱江合諸水自西北經州城北而東南來

會沱水自灌口東分為三渠北曰太平二河南曰柏木河俱東流太平二河經崇寧縣北而合又東有

濛水自西北來注之又分為三派柏木河東南流稍折而東北至焦沙尾之南四渠俱合東南流會北來

綿雜諸水而南也支港縱橫數百里間皆成澤國指其要領西自灌口東經郫縣之北新繁縣之南成都

府治華陽縣之北新都縣金堂縣之南前後支流皆沱江也亦曰湔江亦曰郫江其所會北來之水最大

者一曰綿水合名綿陽河源出綿竹縣西北境之紫
巖山東南流經縣北境百八十里至德陽縣東北
境折西南流經縣東至漢州東境九百七十里折
流與西北來之雒水會而南曰雁水一曰石亭江有
三源一名陡子河東南流合北來之龍蟠河又東南
射水河與陡子河合北來之龍蟠河又東南經縣西
又東南與陡子河合北來之龍蟠河又東南經縣西
亭江又東南與陡子河合北來之龍蟠河又東南經
之雒水會而合綿水一曰白魚河源出什邡縣北境
山東南流經縣東境及漢州東北有平橋河亦曰
來會一曰雒水源出什邡縣西北之章山亦曰雒水
山東南流經縣南境俗曰鴨子河又東南流至漢州
城北而東有平橋河又南會綿水總名雁水又南有
又東南會石亭水又南會綿水總名雁水又南有濛
水支渠自西而東經彭縣北又東經漢州南曰馬水
河者又東南合沱江支渠之清白江南流來會又東
南至焦沙尾東金堂新都之沱江支渠並合而來會
自此而南曰渝雒亦曰雁水亦曰中水實沱江也當
新都縣東南有龍泉水南自龍泉山東北流入沱江
十餘里至簡州東北有赤水河自西北合西南流百二

續行水金鑑卷百四十七

江水三

之即絳水亦名牛鞞水也又南經州城東又東南百
里至資陽縣東北有楊花溪東北自樂至縣西境山
合二水來注之又南經縣城東而南有資溪自縣西
北山來注之又南經縣城東而南有資溪自縣西境
珠溪二源一西北出仁壽縣東北境資陽縣西境二
山水東南流而合一西南出仁壽縣東北境資陽縣
鋪東北流百餘里與西北源合東流又南合一水又
東南入沱江至此曰珠江亦曰資江也又東南百
經資陽城西而東經其南有唐明渡又東有小溪自
北來注之又東南百餘里至內江縣西北境折東北
流經縣城西又東南百餘里至內江縣西北境折東
溪及東南清流溪自東北折而南經其東又南有高
曲西南流百五十里至富順縣東折而西經其南而
水自東北來注之又南經城東折而西經其南而西
南流有榮溪西北自榮縣東南折而西經其南而西
東南注之至此雒江名金川亦曰中水又折而東流
數十里折南流曲而東有隆橋河東北承際昌縣
水及石橋河西南流來注之又東南百里有瀘州西
北有江水會於州東也自灌口至復入處曲折行九
與大江會於州東也自灌口至復入處曲折行九百
餘里富順縣西南所合之榮河源出榮縣西北之
東川溝東南流經城西而南與城東北之梧桐溝會

東南流曰中溪河折而東經貢井及自流井之南有威遠縣北之付家河東南流合北來之跳石河黨木溪及龍令河三水南流注之又東經火井南有西牛河自北合三小水有胡家河自西南來並注之又東南流經沿灘場東折西南流曰之溪經富順之西南折而東與沱江會水道提綱

大江經納溪縣城北入瀘州境三十里至州東北合

沱江名曰合江 沱江見前 綿水在漢州東自德陽

縣流入又南入洛水元和志在雜縣東三十里舊志

俗稱綿陽河入州境東南流二十里有土溪河亦自

德陽流入焉又二十五里入石亭江 石亭水自成

都縣流逕什邡縣又逕綿竹縣西南又東南逕德陽

西南又東南入漢州界舊志自什邡逕綿竹縣西南

火燒堰又東南三十里抵石亭鋪又東三十里至德

續行水金鑑卷百零

江水四

陽去縣二十里與漢州南北為界又東南三十里至

漢州晉永康二年李流軍綿竹趙廡使費遠斷北道

屯綿竹之石亭即此 白魚河自什邡縣發源東南

流百餘里至漢州東南入沈犀河 雒江自什邡縣

西北發源東南流經綿竹德陽二縣界又南經漢州

中江自簡州流入資陽縣界謂之雁江東南流七

十里經縣東一里轉南合資溪孔子溪又七十里入

資陽縣為資江亦曰珠江大清一統志

東南流經合江縣北有赤水河自鎮雄州經貴州之畢

節縣入四川境合梓潼縣水仁懷廳水來會皇朝通志

大江既會沱江自瀘州東稍北受北來龍溪水東有

巨灘稍北折東南流又一巨灘有大河溪大橋溪俱
自西南來注之又東南流經合溪縣城北而東北流
有赤水河西南自鎮雄土府東北合諸水經合江城
東而北注之赤水河出鎮雄土府西北山東流折而
東北經府北境曰綿陽河有阿朗河及
北來一水自西北來會折東南流入貴州界經永寧
縣南境百五十里有小河西南自畢節縣北境合孫
家河板橋河諸水東北流來會又東北流四十里入
四川界又東北七十里經龍場營西北折而東流有
狎子關水自西南來會又東百三十里過鄢家渡至
黎民鎮北有一水西南自清水塘來注之又東有沙
填河南合三水北流來會又東北流七十里有鹽井
河東南自楓香鎮來注之又北流東受一水折西北
流七十餘里有齋郎河東自梓潼縣東北山水合龍
巖山水西流經縣城南西行百七十里又北合一水
西南流來會又西有九溪河自南合西南來之乘龍
山水北流注之西經脈困塘北有古蘭河自西南來
注之又西北五十里至土城西有水思河自東南來
溪泥溪自西北來並注之又西北有盤橋溪自東猿猴

續行水金鑑卷百四十七

江水五

溪自西南來先後注之折東北流六十餘里有金沙
溪自東來葫蘆溪自東北來先後注之又折西流稍
北百餘里北受堯壩溪沙壩溪二水後溪一水至仁
懷縣西南境有風溪自西南來注之折北流有永壽
橋水自西來注之又北經縣城西折而經其北又東
北流百四十里經丁山西麓又東北七十里經合江
縣城東又北入大江此水曲折行
受數小水幾及千里 水道提綱

又南經合江北 赤水河在縣東一百八十里源出

鎮雄州界水腦洞流經赤水衛又東北合永寧河明

初郭英等出永寧敗賊於赤水河即此 大清一統志

又東北有大麓溪自榮昌縣來會 皇朝通志

又有高洞河自東南來注之又東北有坪坦河自東
來注之又北曲曲流有巨灘有大鹿溪自西北來注

之 水出榮昌縣南境山東
南流入江 水道提綱

又東北有洙溶溪自永川縣來會

皇朝通志

又東北流有洙溶溪北自永川縣來注之

洙溶溪即車對河源

有二一出永川縣東北山西南流至縣城東南有一水自西來會遂南而稍西流百餘里折東南流九十里入大江

水道提綱

侯溪在永川縣南元和志縣東西北三面皆枕侯溪

寰宇記溪在縣西南一百八十步舊志有文曲水繞

縣城盤旋四面流連松子溉蓋即侯水也其松子溉

在縣南一百里源出龍洞山別流東入大江口按輿

圖此水上流曰車對河下流曰洙溶溪自縣南流入

江大清一統志

又東北有油溪自壁山縣江津縣來會

皇朝通志

續行水金鑑卷百零七

江水六

有對溪自南來注之又東折而北而東而北而西北

流有五洞溪自西來注之又北有油溪自北合二水

來注之

油溪出壁山縣城北南流曲曲經來鳳驛西又東南流至江津縣北境折西南流有馬坊

河西北自永川縣東北山東南流來會又南流入江

水道提綱

油溪在壁山西源出湯峽口南流三十里出馬坊橋

又六十里至鬪牛石入江津縣界與來鳳橋溪合流

為油溪又三十里至縣西四十里油溪口入大江王

存九域志壁山縣有油溪又來鳳橋溪在壁山縣東

源亦出湯峽口東南流八十里出來鳳橋四十里亦

至鬪牛石與馬坊橋合

大清一統志

經江津縣西北有綦江自桐梓縣綦江縣來會

皇朝通志

又曲曲而東而南有藥城溪自南來注之又東北經

江津縣城西北江自合江東北至此凡九折皆數十

數十又東北流數十里有綦江自南合諸水來注之

曰熨溪口綦江源出桐梓縣北境山兩源合北流百

數十里有坡頭河自東北山來注之又北流西受一

水又北九十里有龍角溪自東來會又北七十里經

綦江縣城東北又西北流有沙溪溝自東北來有清

折西流經城北又西北流及魚子溪水東北流三百餘

里來會又西北百里北受一水又北有孫溪河西

合棋盤山水來會又北至江津水道提綱

南江在綦江縣東自貴州遵義府桐梓縣流入又西

北流入江津縣東入大江古名熨溪今名綦江元和

志三溪縣內有熨溪東溪葛溪其熨溪在三溪縣西

續行水金鑑卷二百七

江水 七

又經南川縣南四十步寰宇記熨溪自三溪縣西北

流經丹溪廢縣又北流經南川縣東南四十步又北

至江津縣南十四里西北流入大江輿地紀勝熨溪

亦名夜郎溪從夜郎境流入南平軍城下又東溪在

軍之西北元統志南江在南川縣衆溪會合至三溪

口可通舟楫行三十里至綦市又至南江口入江名

勝志南江入綦縣界其色蒼白名曰綦江又熨江在

江津縣東南三十里來自夜郎境濶三十里深七尺

可通二十石舟府志綦江有三源一自桐梓縣坡頭

河流四十里至綦江縣界捍水鎮一自桐梓縣松坎

流五十里一自仁懷縣李漢壩流六十里亦皆至捍

水鎮三派合流名三岔河又順流一百十里入縣界
為綦江又順流四十里至縣城東又西北三十里至
白渡口入江津縣界又一百二十里南江口入大江

大清
一統志

又北至重慶府巴縣南有涪江合白水嘉陵江渠河來

會皇
朝通志

又北八十里有小水自西來有甘蔗溪自東南來注
之中有巨灘又北稍東九十里受東南來小水二至
重慶府治巴縣南經明月峽折而東抱城東而北有
涪江合白水嘉陵渠河三巨川盡並龍安潼川保寧
順慶四府諸州縣之水自西北出魚鹿峽經府城北

續行水金鑑卷百四十七

江水
八

而東來會

水道
提綱

涪江出松潘廳東北之小分水嶺東南流經龍安府治
平武縣西北有白馬河來會又南經江油縣東南又經
彰明縣分流經城之左右而合有小江河即廉讓水出
平武縣經江油縣來會又南有石板河自石泉縣合諸
水來會經綿州東南有茶坪河自安縣來會又東南經
潼川府三臺縣西北有中江水自中江縣來會經射洪
縣有唐橋溪來會又東有梓潼水自鹽亭縣來會又南
有鄰江來會折東南有馬桑溪自蓬溪縣來會經遂寧
縣東又南流有關箭溪合樂至縣水安居場水來會經
合州西南有立石河自永川璧山銅梁縣來會又東嘉

陵江渠河來會東南流至重慶府治巴縣西北折東流

入大江皇朝通志

涪江古涪水出松潘衛東稍北之小分水嶺西水皆入岷江

嶺東二源合而東北流又有二源出西北山合而東南流來會即邊界弓楨口之南山水也東經三合堡南有一水北自弓楨口東三水會於三合堡南東南南大山南流經堡東來會

流六十里有一水自東北來會又南八十里經小河

營西曰小河又南有木瓜河自西來會水出松潘衛之東大山東

南又東南流五十里北有水進河南有黑水溝並來

會水進河出小河營東北山黑水溝出西南山又東過鐵索橋橋曰永濟龍安西達

松潘道也凡六十里有仙女山水自北來注之又東南經

龍安府治平武縣西北境之埤塔壩南有一水自西

續行水金鑑卷三百四十七

江水九

南來注之又東五十里經鐵龍堡南有白馬河自東

北合二水來會一西北出北邊界山東南流百餘里折而南至陽地隘西其一出青川所

西北與陝西界之摩天嶺西山西南流八十餘里至隘北來會又西南曲曲流注之又南流經

府城西而南折東南流經古城南又東南有一水自

北來注之即青川溪源山西北麓水也至此始曰涪江又東南八

十餘里至舊州東有白支河自東北來注之又折西

南流經煽惑溝東又南經江油縣城東南自舊州南至此一百

三十里又西南流至中壩北分為二派至壩南復合稍

南至彭明縣城又分而經城之東西有小江河即古

廉讓水自西北來會小江河源出平武縣西南山一出縣南藥叢山會於大郢堡之

南東南流百餘里至平通堡西折西南流數十里經江油縣西境又南合縣西一水又南經中壩西又南

至彰明縣城之西北會涪江 至城南復合又南經漫波渡有石板

河西北自石泉縣合諸水來會 石板河二源西北源出平番營東南山東

南流百餘里至白草壩南又東南七十里合石泉北山之龍安水南流五十里經石泉縣城西又南而神

溪河自西南來會西南源神溪河出茂州東北山東北流百里有水北自壩底堡來會又東北五十里

會龍安水東流經縣南九十里有都壩河自東北來注之折南流經兩山間曰石板河折東南流至漫波

渡南入涪江龍安水即安昌水又南折而東經綿州北境有東河自

東北來注之 東河即古潺水 又南經州城東而南有茶坪河

西北自安縣來注之 茶坪河出安縣西境茶坪山東流經桑棗園北又東北至縣城

西南有水自西北來經城西而南注之又東南流經義興場花街子北又東南經州城南又東南入涪江

又東南百五十里至潼川府治三臺縣西北境又東

南經府城東北又東南有中江水西自中江縣北合

續行水金鑑卷百四十七 江水十

羅江縣諸水來注之 中江今日羅江河源有二北曰黑水河南曰冷水河地在茶坪

山之南綿竹水之北重山連接俱東南流百餘里至羅江縣城北合而南流經城東又東南百數十里經

中江縣城西有小水自西南來注之折東經城南而東有小水自北來注之又東曲曲百四十里經府城

南又東入涪江此水自羅江以西南隔重山其西水即綿陽河南合沱江者也 又東南有桃

花河自北來注之 水三源出北山合而南流入涪 又東南經射洪縣

城北折而南經其東又南有唐橋溪自西來注之 唐橋

溪出射洪縣西境山東流至縣南境入涪江 折而東十餘里有梓潼水北

自鹽亭縣合諸水來注之 梓潼水即射江亦曰瀾江源出自支河源之東南

州西北五子山之西大山南流山中百里折東南流六十里受東北一小水折而西南流經梓潼縣城西

又東南流曰梓潼河折而南有鶩溪水自東北來會又南至鹽亭縣西北境有石牛鋪水合魏城驛水自

西北來會又東南流經鹽亭縣城西又東南有少沙河自東北來會又折西南流有鬼溪河自東北來

會又南至射洪東南
之獨坐山入涪江

又曲而南而東折西南流數十

里復東南流有楊桃溪自東北來注之又南經清隄

渡曲曲而南有鄴江合諸水自西來注之鄴江三源

水西南自河邊場之西南山東北流經蓬萊鎮南而

東來會又東至黃龍鋪之西北入涪江涪江自此亦

折向折東流而南有馬桑溪東北自蓬溪縣來注之

東也

溪出縣西北文井場之西高鳳山東流經場南折南

流又西南經縣城西北又西南數十里折而南流至

遂寧縣北

境入涪江

又東南經遂寧縣城東又南流折而東南

有兜溪自北來注之又東南百三十里折而西南三

十里又南流有關箭溪自西合安岳安居場諸水來

注之

安居場水出樂至縣東境山三源合東北流經

場北又合一水折東南流有魚海河西南自安

岳縣來會安岳縣城東會西北來及西南來二水

東北流又合北來二小水折而東流與安居場水會

又東南流有灌子河自西南合白水

河來會又東南曰關箭溪東入涪江

又折東稍北流

數十里至合州西北境折而南流經州城西而南有

立石河西南自永川壁山銅梁來注之

立石河出永川縣西南山

東北流有雙石河自北合二水來會又東北經縣北

境又東北百餘里經壁山縣北境又東北百里有晏

渡河西自銅梁縣東北流來會又東經城南嘉陵江

總行水金鑑卷第七

江水

合渠河自東北來會

涪江自潼川府遂寧縣流入合州界至州城東南與

漢渠諸水合流即內江也漢書地理志剛氏道涪水

南至墊江入漢水經注涪水西南至小廣魏縣南入

於墊江亦謂之內水元和志涪江水在銅梁縣東北

四十里又經石鏡縣南二百步舊志涪江自遂寧縣

涪江源流幾及千

水道提綱

入安居廢縣界東南流五十步合兜溪又三百里經縣北門外又十里入合州界又一百四十里至州東

南合嘉陵江

大清一統志

嘉陵江卽西漢水出秦州西南之蟠冢山山在漢源蟠冢之西北四百餘里非禹貢之蟠冢也西漢水西南流有橫水嶺水自西和縣來會折西流至禮縣東南又西經西和縣西北有岷峨江水來會經階州東北成縣西南有潭水來會經成縣南界畧陽縣西北有黑峪江自秦州來會又東南有九龍池水自徽縣來會又南有嘉陵谷水自鳳縣經兩當縣合諸水來會始名嘉陵江南流經畧陽縣西又經寧羌州西北又南經四川廣元縣

續行水金鑑卷百四十七

江水三

北界有七盤關水來會經廣元縣西昭化縣東北有白水江來會白水江卽古桓水亦曰墊江出邊外洮源東南之西傾山東南流入甘肅邊武都關南有白龍江自岷州分水嶺東南流合諸水來會經階州西南又經文縣北又南入四川界經昭化縣北有黃沙江來會又東南入於嘉陵江嘉陵江西南流有劔水自劔州來會經蒼溪縣西又經保寧府西南有東河自寧羌州經廣元縣來會經南部縣西北蓬州西北有西河自劔州經閬中南部縣來會經南充縣東北有蠻子河自西充縣來會又東南有西溪自岳池縣來會經定遠縣東北折而東至合州東北有渠河來會又南流入於涪江

皇朝通志

嘉陵江卽西漢水下流合白水江而益大 白龍江

出陝西岷州衛東南楊滿城西北分水嶺嶺西北水皆流入洮

河者墊江之北源也俗曰岷江一出嶺下南流經城東

稍西南其一出嶺南之分水嶺東南流來會稍南有

荔川河自東來會南數十里有臨江東北自岷峨西

南流來會岷峨山在分水嶺東南百里其東北水流入西漢水者折東南流經

臨江鋪西俗曰白龍江亦曰臨江又東南有武都山

水自東北來注之又東南經朝陽山西西固所東南

有白水江西自邊外來會 白水江卽古桓水亦曰

墊江源出邊外洮源東南之西傾山山在洮州衛西

一名西強山亦名強臺山番語曰羅插普喇山近黃河折向西北之東岸山綿亘千餘里源曰裴

續行水金鑑卷二百七

江水 三

雜塔拉泉澤十數泓湧成二渠滙東南曲曲流百五

十里折而南流九十里又東流曲曲三百里曰香出

必拉入陝西邊經武都關南又東經西固所南又東

南與白龍江會水勢始盛 又東南流有清江西南

自邊外來會清江源在白水江之南合哥普山東北流百餘里入邊至階州西境入白水江

稍東有兩水北自朝陽山東麓來注之又東南至階

州西南有東川水西自邊外來會清江源之西南山其西岡阜連接南

與四川弓嶺口北之大山相近東川東南流曲曲折而東北數百里入邊注白水江又東經州

城南有北谷河合赤沙水自北經城西來會又東南

百餘里有紫水自東北來注之又南流九十里經臨

江驛西西岸卽古頂山金珠山八盤山又東南有紫泥山水自東北

來注之又南經文縣東境俗曰黑水江有乾溝水自東北來注之又南經玉壘關東有一水西自文縣合諸水來注之水出文縣西境山曰毛溝河東流合北來之烏兒河火燒關水南來之立志山水又東經縣城南又東南流合南來一水北來西番溝水又東南至玉壘關南東入白水江又東南受北來一水又南入四川界經昭化縣北境之余山鋪西又南有溪河自西北來注之又東南數十里至昭化縣城北有黃沙江西北自摩天嶺合青川及劔門水來而嘉陵江合諸水東北自朝天關來並會黃沙江源出摩天嶺南流百餘里有青川所二水自西合來會又南折東南流百里受南北二小水又東流經劔閣山北有水西南自劔門驛來會又東至昭化縣北入白水江此江即古葭萌水也西漢水亦曰沔水即漢志誤指為禹貢之嶓

冢導漾者源出秦州西南之嶓冢山

即漢隴西郡西縣之嶓冢山也

在寧羌州漢源嶓冢之西北四百餘里脈自白水江源山曲曲而東為分水嶺又東為岷峨山又東北為箭杆山栢林山青陽山又東為老君山為朱圍山為温泉山刑馬山其北伏羌縣其東南即西漢水源之嶓冢山連亘而南西南流曰漾水有小水自東南來會又西

北曲曲流曰鹽官水稍北有橫水嶺水南自西河縣

城東來會又北有永平水東北自刑馬山來會折西

流至禮縣東有水西北自栢林青陽東南流經縣城

東北來注之又西經縣城南又西折西南流數十里

曰長道河經西和縣西北境折東南流過仇池山西

麓仇池山在西和縣西南成縣之西北界脈自嶓冢綿亘而南至成縣西北界為壽山為青崖山西為橫水嶺又西為仇池南山又西為仇池有岷峨江自西北岷峨山東麓

來注之其西麓水即流又東南流曰犀牛江經階州

東北境成縣西南境之祁山麓有石碛關水自西北

來注之即橫水嶺又東南有潭河西南自階州北之

米倉山東北流經甘泉驛來會曰兩河口西漢自發源西流而

南而東至此又東至成縣南境畧陽縣西北境有長

家河自南來注之又東有黑峪江北自秦州南山來

會黑峪江源出吳紫山南之九眼泉在蟠冢東北七

十里二澗合而南經街子鎮大門鎮又南合東來

之烏油江又南東合麻沿河又西南流至雞冠口西

受西北來之建安洛谷二水又南經青泥嶺仙人關

西又南經成縣城東南有濁水自西又東有青泥嶺

水自北經仙人關東來注之俗亦曰白水江折東南

流有九龍池水東北自徽縣合三水來注之又南流

續行水金鑑卷二百七

江水 五

至畧陽縣北之八渡山西嘉陵江東北自鳳縣合諸

水來會 嘉陵江出鳳縣東北之嘉陵谷此山之東

北即寶雞縣渭西流經東河驛橫牛堡紅花鋪北折西南流經

草涼驛白家店西此水旁即北自陳倉又南有大散

水斜谷河自東北來會折西北又西南流經縣城西

北又西南有魚河自北合紅犀單河二水來注之北

出臧家嶺一西又西南經兩當縣南境有下邳水自

城西南來注之此水於永寧堡之又南流有高橋河

自西北合永寧河來會高橋河出兩當縣西北山東

南流有永寧河自東北來會又東南流經太白

池東南入嘉陵江又南有野羊北河合諸水東自鳳

縣東南境來會野羊北河出松林驛東南山西北流

經驛西又西北至廢邱堡合東北來

一水又西流有蜜蜂溝自南來會又西北折西南經藍安關山北又西南入嘉陵江又西南經徽縣南境百餘里至八渡山西北西漢水自西來會

嘉陵江既會西漢水南流稍西折東南流有橫壩

河紫泥山水自西來合注之又東南經畧陽縣城西

又東南有八渡河自東北合諸水經城東來會八渡河出

紫栢山西北流曰中川有三川自東北來會西南流八十餘里有水自東南來會又西流折而南經畧陽

東南注之又南有白石溝自東北來注之又西南流經寧

羌州西北境之陽平關西陽平關東南六十里有大山即禹貢之蟠冢導漾東

流為漢者也又西南有洛索河自西來注之又南流百里

經四川廣元縣北界有小水西北來注之水出陝西界山南

經大小漫天嶺山麓又南至朝天關西有水東北自

續行水金鑑卷百四十七

江水 六

七盤嶺關南來注之七盤關川陝分界其北水即東北經寧羌州北合漢水者也此

水自關下西南流經神宣驛北又西經大山麓至朝天關西北入嘉陵江又西南九十里

經廣元縣城西又西南有稻壩河北來經城南西注

之至昭化縣東北白水江自西北來會嘉陵江既

會白水江於昭化城東北南流經城東又南稍西曲

曲流百五十里有劔水西北自劔州來注之大劔水出劔州

西北山東南流至州北有小劔水自北來會經州城東北又東南百餘里入嘉陵江又南八十

里經蒼溪縣西稍南折而東經其南稍東又折而西

而西南又東南經保寧府城西有北溪河自西北來

注之北溪出蒼溪縣西北山東南流入嘉陵江稍南折而東經府南境稍

東有東河東北自陝西寧羌州界西南經重山四百

里來注之

東河源出寧羌州東九眼泉南流折而西入四川廣元縣東北界行兩山中曲曲

數百里曰東河至百尺關西又西南至蒼溪縣東之雲臺山麓又南流至府東境入嘉陵江又南

有苟溪東北合塘溪來注之

塘溪出觀音場北七十里山南流至場北折西

南流有苟溪自北來會西經廣閭樓北又西南入嘉陵江

又南稍西六十里至南

部縣西北折東流經縣城北又東南流有禹跡山水

自縣北境來注之稍南折南流數十里有安居場水

自東北來注之又南至蓬州西北有西河西北自劍

州西北來注之

西河上源曰武連河出劍州西北境五子山西南流九十里折而東南經

武連驛南又東南數十里有柳池溝水自北來會又東南曲曲經保寧府治閬中縣西境又東南至南部

縣南境有袁家河自東來注之又東南折而東流入嘉陵江此水流行四百餘里又東南經

州城北東南如玦至州西南向南流有清溪自東北

續行水金鑑卷百四十七

江水七

來注之又西南流百餘里至順慶府治南充縣東北

境折南流經府城東而南有蠻子河西北自西充縣

來注之

河出西充縣東北山西南流經縣東南又西南流數十里折東南流經府城西南又東南

入嘉陵江又南流八十里有曲水河自西來注之折東流

有清水河自北來注之又東南五十里有西溪東北

自岳池縣北境來注之又西南曲曲東南至定遠縣

城東北有岳池水東北自城左右合西南流又合一

水來注之經縣城東而西南又東南旋折如帶有苦

竹溪自西來注之又東南流八十里至合州東北渠

江自東北來會曰嘉渠口 又南流涪江自西來經

州城之西而東來會於城之東南曰三江口

鈞魚山在涪江

之北嘉陵江之南嘉陵自源至此
徑一千七百餘里 水道堤綱

嘉陵江自順慶府南充縣流入定遠縣界又南經合
州界合渠江涪江東南流入巴縣界至府城東合大
江卽西漢水也自合涪江以下俗統名曰涪江亦曰
內江漢書地理志西漢水南入廣漢白水東南至江
州入江水經注漢水經宕渠縣東又東南合宕渠水
又東南經江州東南入於江涪水注之故庾仲雍謂
涪內水者也方輿勝覽西漢水在石照縣東一百步
又杜甫詩百丈內江船注水自渝上合州者謂之內
江自渝由戎瀘上蜀者謂之外江舊志嘉陵江自南
充縣李渡場流入定遠縣界五十里至縣城東門外

又十里至南溪江入合州界又一百九十里合渠江
曰嘉渠江又十里至州城東南合涪江曰三江口又
南流四十里入巴縣界又東南九十里至府城東合
岷江自合州以下本涪漢強白宕渠五水合流其別
名尤紛出不一五水之中漢名最古班固漢志以爲
經流而涪以一水獨當四流且逼近會城漢晉以來
用兵者多由之故庾仲雍稱內水而獨係以涪自後
遂稱爲涪江然據漢志水經注終當以西漢爲正流
也 白水源出南川縣南東北流入涪江界卽今大
溪河也輿地紀勝白水在涪州南二百二十里源出
天衆山其色如練又白水去隆化縣十里白夷界龍

泉鄉出流入縣界合黔江舊志大溪河源出南川縣南方竹箐山谷北流四十里經鎮河橋名鎮河橋溪又十五里至焚水橋又二十里至水東橋又十五里至涪州界名大溪河又東北流一百里至州南八十里入涪陵江

大清一統志

渠河為巴水渠水二源之合名巴水出陝西西鄉縣西南之大巴山西流入四川通江縣界有洪口河自陝西界來會又西南有西河來會至巴州東有南江水自陝西界合諸水經儀隴縣來會又東南至渠縣合渠河三源俱出太平縣經東鄉縣而合經達州城東有蹬子河自新寧縣來會又西南有清溪河自大竹縣來會至渠

續水金鑑卷百四七

江水九

縣東北有巴江來會西南流有流江河自儀隴營山二縣來會經廣安州東北至合州之嘉渠口會嘉陵江以

入於涪江

皇朝通志

渠江即古巴水今日渠河實巴渠二水之合也 巴

水出陝西西鄉縣西南之大巴山

自漢中府治南鄭縣南境之巴嶺東

連孤雲兩角米倉諸水其南即巴州北界也自米倉山而東為大巴山又東稍南為小巴山巴江水出大巴山之麓西流入四川通江縣東北界

俗曰東河折西南流百餘里有洪口河東北自陝西

界西南流來會

洪口河二源東源出關壩北大山西南流西源出竹絡關山東南流合而

西南數十里又西北流又數十里折西南流與巴水會

又南八十里經通巴營

西而南有小水東北自黑灘子來注之又西南經縣

東南有西河自西北經城南來會西河即巴水西源也亦曰宕水

南鄭南界米倉山之南通江北界之羊圈關南流有南岔河自東來會又南流有朱家河自東北來會又

南小水自西來注之又南西受板橋河東受夜叉河水又南經新長壩西有水自西來注之又南東受流

溪河水又南數十里經縣西境折而東經縣南而東與東河會此水源流與東河等

十里有楊栢河自西北來注之又西南百三十里至

巴州東南境有南江水合諸溪西北自州城及升渡

河來會南江水二源西北源出陝西羊卷林關南界曰蟒潭河東南流八十里東北有關壩河西

南流來會又南六十餘里經南江縣城東南亦曰難江又西南流七十餘里有羅溪河西自三角山來

會又南經羅坪鋪東南有沙河自西來會又南六十里有南屯河東北自關壩東南山西南流合東來之

三溪河及開田壩水又西南百數十里來會又南稍西曲曲流百餘里經巴州城東又南折東南流六十

里有青起渡河自東北來會又南五十里有恩羊河自西北來會又東南流六十餘里折而南五十餘里

有升渡河西合花叢埡西及觀音場東水東經儀隴縣北境東南流來會折東流四十里巴水東北自通

江縣來會此水合諸溪澗水勢與巴水合東西河亦相等

又南稍東流百二十里至渠縣東北境渠河合後中前三江水東北自達

州來會 渠河三大源最北曰後江次曰中江次曰

前江 後江又有三源最北者出太平縣北與陝西

星子山連之大橫山西南流六十里經縣城西北又

西南流九十里其東源曰白沙河出縣東北華岳頂

之萬頃池東南流依山麓折而西南經縣南境百餘

里又西南與北源會曰後江又西南六十里折而南

流九十里至普光西中江自東北來會 中江源出

太平縣東境之白支山黃墩山黃墩山北麓水即北江北流入陝西合諸

河入漢西南流百餘里有石塘溪北自石塘壩東南

水者也石塘壩在縣南境流來會白沙河南岸山南又西南有廠溪自東南來

注之又西南九十里至普光北西會後江又南曲曲

九十里經東鄉縣東稍南前江自東北來會前江

源出太平縣東與陝西雙河關界之金城山關北水即紫陽

縣之任河北流入漢者也此山西自支黃墩來東

與九龍山及分水嶺相接其水曰五溪河日分水河

皆南至南流折而西南曲曲行山中三百數十里至

東鄉縣東南後江合中江自北來會又西南百里經

張家埠北折而南經達州城東有蹬子河東南自新

寧縣合諸水來注之蹬子河出新寧縣東境山中西

續行水金鑑卷百四十七 江水三

山北又西南合東南來一小水折西北流有水自西

南來會又北至風洞鋪新寧縣河三水合而西北折

西南流來會又北受西來一小水又北受西南

來一小水折而西流至張家埠南西入渠河又南

折西流經城南又西南數十里有通巴河自南來注

之通巴河二源出月口山狐狸山北麓合北流又西

南七十里有清溪河西南自大竹縣合諸水來注之

清溪水即東流溪出大竹縣東南月城山東北流有

竹溪自縣西北合九盤山諸水東流經城北有水自

南來會又東北受南來一水又東北會又西南至渠

清溪河又北流數十里折西北入渠河縣東北境與西北來之巴江會渠河既會巴江西

南流過白水洞山北又西南受東來一小水西至渠

縣城之東有流江河西北自儀隴營山二縣來注之

流江河出儀隴縣西北山西南流折而東南經縣南

境之金鈞場北有允家山水自東北來會又東南百

里受西來一水又東南至營山縣東境有蘭溪河西

自縣城西東北曲曲流來會又東南百九十里經渠

縣城東北入渠河又南十餘里折西南曲曲過雲霧山西麓

百餘里至廣安州東北曰篆江經三十六灘亦名洄

水南經州城東有西河自城西及南東流來會西河即環

北山水出州又東南折而西南百三十里至合州東北之

嘉樂口嘉陵江西北自定遠來會巴江渠河自源至此俱徑千里又

西南經州城東南涪江自西來會曰三江口水道提綱

渠江自順慶府廣安州流至合州東北入嘉陵江即

宕渠水水經注宕渠水經宕渠縣又東南入漢寰宇

記渠江源自萬頃池經巴達渠等州廣安軍界至合

州東北十里與嘉陵江合大清一統志

大江又東北有梅溪自大竹鄰水二縣來會皇朝通志

續行水金鑑卷百四十七 江水 三

涪江既會嘉陵江渠河又東北十餘里折而南曲曲

流百里至重慶府治巴縣西北境有虎耳河自西來

注之又南有青水關河自西來南合萬壽水東流注

之又南折東南流經白巖北過魚鹿峽又東流經府

城北稍東入大江大江既會涪江又東北受東北

來一水折東流百里有小水自南來注之又東北流

有梅溪北自大竹鄰水二縣東合寶石河南流注之

梅溪源出大竹縣西九盤山南麓西南流經廟與場

西折東流又東南有一水自縣南西南流來會又西

南流受西北來一小水又南有土橋河合一水自西

北來會又西南至鄰水縣東南境有水自縣城北繞

而東南來會曰芭蕉河又南流八十里折東南流有

寶石河東北自月城山西南流二百八十餘里西合

一水來會又南流百餘里經大洪岡鐵山關東南入江水道提綱

梅溪在長壽縣西北七十里即鄰水自順慶府鄰水縣流入縣境名五溪又西南流七十里至巴縣界名交龍溪以溪側舊有古木盤曲如交龍因名又南流

七十里入大江

大清一統志

經長壽縣東南

皇朝通志

又東折而東北南受一小水又東北經溫樂山有灘

經長壽縣城南而東有桃花溪自東北來注之

溪出縣北

山東南流折西南經崙尖山西又西南流經長壽縣城東南入江

水道堤綱

桃花溪在長壽縣東二里源出老龍洞南流三十里

至桃花洞又五里過新橋入江

大清一統志

有龍溪河自長壽墊江二縣來會

皇朝通志

續行水金鑑卷二百四十七

江水

又有龍溪河東北自梁山墊江二縣合諸水來注之

龍溪河源出梁山縣東南山西北流經縣北境有一水南自城北流來會又西流合南來一水又西南流有沙河自西北來會又南流有七間河自西來會又西南折而西南有狐狸山二水自西北合而來會又西南經墊江縣東境有羅干河西自縣城北合三水東流來會又西南行兩山中曰高灘河有兩水自西北合而來會又南流有大沙河東北自梁山縣西南山中西南流來會又西南百餘里至長壽縣東桃花口之南入江其南即黃草山也

水道堤綱

龍溪在長壽縣東自忠州墊江縣流入又西南入江

古名容溪寰宇記溫樂縣有容溪源出縣境北南流

經縣東又南至永安縣東北二里注大江按此水即

墊江南灘溪之下流舊志謂即桃花溪

大清一統志

又東南經涪州城東有黔江即烏江來會

皇朝通志

又折南流經黃草峽而東南有梨河自南來注之俗曰

離鄉江心有沙洲長十餘里又東過鐵櫃山又東經涪州

城北而東有黔江亦曰涪江南自貴州合諸水來會

於銅柱灘口水道堤綱

黔江即烏江出貴州威寧州東北山東北流有則底河

自雲南鎮雄州來會又東南伏而復出經畢節縣南又

伏二十餘里復出曰天生橋有落腳河自大定府來會

又東北經黔西州南有楊柳河以麥河自平遠州來會

又東有三岔河自安順府合威寧州安平清鎮縣諸水

來會經修文縣西北有雞公河自廣順州合諸水來會

經開州西有以濟河自黔西州來會經遵義府南境有

續行水金鑑卷百四十七 江水 三

清水江自貴陽府治合龍里貴定縣諸水來會經甕安

縣北有湘江自遵義府合綏陽縣諸水來會又東南有

湄潭縣水甕安縣水來會經餘慶縣西北又經石阡府

西龍泉縣南又經思南府西南有清江溪來會經印江

縣西南婺川縣東北折西北入四川酉陽州西南界又

北有南溪河自湖北施南府來會經彭水縣南有長溪

自貴州婺川界來會又西北有中清河自湖北利川縣

來會折西南有渡頭河自綏陽縣正安州合諸水來會

又西北有大溪河自南川縣來會又北至涪州城東北

入於大江皇朝通志

黔江亦曰涪江即貴州之烏江也源出威寧州東北

山東流數十里一水自南來會東南流經黑章汛北

稍東有一河合三水自南來會三水一出歇涼亭北東流一出南山北流

而合一出東南山西北來會又北合焉折北流曲曲而東八十里有則

底河合後所河自北來會則底河出四川鎮雄土府西境山南流八十餘里入

貴州界有後所河東自七星關北大山來會南入黔江口又東南伏大山下二十

里於南麓流出經七星關南又東南流曲曲百三十

里至畢節縣南境之大山而伏二十餘里於東麓復

出曰天生橋東稍北流有落腳河北自大定府西北

合畢節諸水來會畢節縣西南有二水東南流合而東經縣南境又南合一水東流有

縣北水自西北山東南流經城東北又東南合北來一水又東合北來之猓羅河又東南經沙子哨北合

東北來一水又南曰落腳河經大定府西境百數十里曲而西南又東南流入黔江又東經府

續行水金鑑卷百零七 江水 三五

南境八十里有烏西河自北來注之烏西河出府東北山東南流折

而南而西南曲曲百四十里俗曰六歸河又東稍北

五十里有西溪河自北合二水來注之又東流至黔

西州南境有猓隴河高家河俱自西南來各注之又

東南有楊柳河西南自平遠州合諸水來注之楊柳河出

平遠州西南境山曰卜牛河東流至州南境有豬場

水自南來會東北流經州城稍北有二小水自西北

來注之又東北經大山又又東南有以麥河自西南

東北七十餘里入黔江又東有三岔河西南自安順

來注之河出平遠州東境山東北流

府西合以且海諸水來會以且海在威寧州東南二百里阿遮汛之東南水城

汛之西北也池周二十里東北流有一水自西北來

會東南流至扒瓦汛南有水城汛河自西南來會又

南折而東有以固汛前河水自東北來會俗曰簸渡

河又東南百數十里至西堡司北折東北流百

安順府西北境之定南汛北有古北河北自平遠南境豬場南界山合四水南流注之稍東有三岔河東南自府西北境山西北流合三水經定南汛西而北注之自此東北俱曰三岔河也又東北百數十里經安平縣西北境又東北經清鎮縣西北境折西北流合西南來之牛場河又北經百里至鴨池汛西南與西來之黔江會此水自源至此流七百又北折而東經鴨里與黔江等實黔江之南一源也

池汛北有池水自南來注之又東稍南有跳蹬河南自鎮西衛來注之又東北經修文縣西北境有雞公

河南合廣順州及安平清鎮二縣水來注之雞公河上流曰

麻線河出廣順州西境山東南流合西南來一水東經州城南折北經其東又北經象鼻關之西又北曰麻線河經廣興鎮西又北經安平縣東境有縣河左右二水合南而東北流八十餘里來會又東北經清鎮縣城西折經其北而東有一水南自城東來會又東北至修文縣西境有縣南水經城南東折西北流來注之又北有那奢河自又東北經六廣汛西北又東來注之又西北入黔江

續行水金鑑卷二百七 江水 三

東北經開州西境之修文所西曰六廣河又東北曲

曲至烏江城南有息蒙所水自東南來注之其西岸

有以濟河西南自黔西州合諸水及北境之沙溪河

來會黔西即舊水西也以濟河出州西北山南流經城西折而東南流合西南來經打鼓寨之水折

東北流百四十里曰以壩河有渭河西自山中來會又曰以馬河又東北七十里有烏慶河西自州西北境合三水東流百五十里來會又東北與西來之沙溪河會東入黔江沙溪河出州西北與四川界山東流經清水塘南又東依山麓合西南又東北經烏江來一水又東稍南會以濟河入黔江又東北經烏江城北鎮南關南有小水自北來注之南岸為開州北境北岸為遵化

府西又東北有小水自南來注之又北一小水自西

北來注之即楓香壩折東南流經雞溪口南有小水

自南來注之又東南經遵義府南境有樂闡河自西

北來注之

水出府西南之雷變山

又東有清水江南自貴陽府

治貴筑合龍里貴定諸水北流來會

清水江三源一曰牛路河出貴

筑縣西南境山東北流曰四方河至中曹司東有兩

江自西來會又東北流有龍洞河自南來經黎兒關西

來注之又東北曰牛路河又東北經虎隆司西又東

北曰干壩河經巴香汛西而東北龍里貴定二縣水

自東南合而東有龍里縣西南二水東北流合而

東經縣北境又東有西堡水自南來合東南定水壩

水北流經城東而北來會又東南一水北經龍頭營

之西而北注之又東折東北流九十里至喇啞村西

有貴定縣水自東南來會貴定縣水源較諸水最

遠出舊縣西南百四十里谷壞汛西北大山東北流

經平伐司北又東北至舊縣西有一水西南自谷壞

汛北東北曲流經太平司南又折而北來會又有

一水自東南來會又北流折而西北經把小平二

司西至山麓折正北流經新安堡東曰甕城河又北

經貴定縣西境有水東南自城西來一水東自城北

來會又北經新添司西又西北至喇啞村西南與龍

里縣水會又北流折東北數十里復西北流至巴香

汛東北與府城之牛路河會又北流七十里有洗泥

河自西稍南來會又北折西北流經開州東境又北

開州東西二水自州城北東北流來注之又東自此

北曲曲百餘里入烏江此水源流五百里自此

續行水金鑑卷百四十七

江水

毛

俗曰烏江又東南流曲曲經甕安縣北境

也 有湘江西北自遵義府城東合綏陽縣諸水南流

來注之 巖山兩源一東南流一南流而合曲曲東南

經府城東北又東南有桃溪自西北山東南流經城

南而東來會又東流數十里有洪江自北來會 洪

江出婁山關南山東南流至遵義東境之清乘橋北

有鳳凰溪東北自綏陽西山西南流來會又東南入

湘江 湘江又東南數十里有鹿塘河北自綏陽縣

來會 鹿塘河二源一出綏陽縣西北山一出東北

山流至城南合而南數十里有一水自東北來會又

南八十里會湘江 湘江又南流九十里折東南流

五十里入烏江 此 又東南有眉潭河自北來甕安

河自南來並會

眉潭河出眉潭縣北境龍泉縣西境

流受北來一水又西南經縣城北折南流經其西有
一水自東南經城南來會又西流北受一水又南稍
西流百三十里有一水自北來會又西南八十里折
南流入烏江 襄安河出襄安縣南境山兩源俱西
流而合折東北流曰乾溪河又北受東來一水又北
經縣城西北又北有坪橋河自東南經城東來注之
又北受東南來之紅頭鋪河又北受東來之草塘司
河又北九十里入烏江江口正北與眉潭口相對

烏江又東南至餘慶縣西北境折東北流有餘慶司

水自北來注之 水在眉潭河 東隔重山 又東北百里有牛場河

合小江自南來注之 牛場河出餘慶縣西南境山東北流百里經縣城東南又北八

十里有小江西南自縣西之清水洞來會又北稍東六十里入烏江 又東北北受落花

屯水 水出眉潭縣南境山 又東北經石阡府西境龍泉縣南境

有巖頭河自南來注之 巖頭河北流經石阡府西境 又東北至府

北境思南府西南境有白巖河南自石阡府城來注

續行水金鑑卷百四十七 江水

之 白巖河出府南二源一出南山北流經鐵廠西一出東南山西流與合又北流曲曲經府城西南又

西北折而東經城西北又北有一水自東來會又北稍東曲曲百餘里入烏江 又東北有清

江溪合諸水西自龍泉縣來注之 清江溪出龍泉縣西北山東南流有

羊子河自北山南流有石貫河自西南山北流來會東流經縣城北又東流百里有松溪河合數小水自

北來會又東南至思南府西南境有板坪河自北合二水來會又東南入烏江 又東北至思

南府城東南有小水三自東合來注之 即印江縣南朗溪司東南

三水西 折北經城東又北有猛溪河自東南來麻海

溪自西南來各注之又北稍東經印江縣西北境有

清水江東南自縣城來注之 清江水三源一出印江縣東北山西南流二出

東南山俱北流合而西經朗溪司北又西經縣城南折西北流有一水自東北經城北來會又西北流入

烏江又北稍東百餘里至婺川縣東北境之沿河司東

折西北流入四川西陽州西南界有三岔河東北來

注之三岔河二源出西陽州西境山一西南流一東南流數十里合而西南又西北入烏江又

北稍西百餘里東為四川界西為貴州界有南溪河東北自湖廣

施南府合諸水西南流至龔灘來會南溪河上源即北河也

出湖北施南府南境忠洞之北山南流入十里至忠

洞東南折西流有白龍潭水西北自高羅司來會又

東南流有車峒河自東北合一水來會又西南流經

忠建司南有川弔河爛河諸小水自西北來會又西

南至來鳳縣境有大旺諸水自西來會又西南合左

右諸溪曲曲二百餘里西流入四川界經西陽州東

北境之西嶺顧北又西有唐崖河北自黔江縣來會

又西南流受數小水曲曲流百五十里至州西界之

龔灘東又西南入烏江此水源流五百餘里唐崖

河源出金峒之西北山東南流入十里折而西南七

十里有南河合馬河自西來會有大田水自東來會

又南受東來之馬家山水又西南入四川黔江縣東

北界之界山嶺東又西南經縣東南境之石牙關西

亦曰大水溪又西南有梅子關水自西北來會又南

續行水金鑑卷四百七 江水

有金山崖水自西來自龔灘之西而北有洪渡河自

西南葵川縣合諸水來注之洪渡河源出葵川縣西

流經綏陽場南折而東北流有大水河自西北合一

水來會又東北有小水河自西來會又東北經簡家

溝東又東北經豐樂壩東受西來一水又東北受西

北來之龍登河又東北經縣城東南又北受西北來

一水自源至此二百餘里曰洪渡河又東北百

六十餘里入烏江自此以後全入四川界矣又北

稍西百二十里至彭水縣南境有長溪自西南來注

之長溪出正安東界山東北流經貴州又西北經縣西

又北有中清河東北自湖廣利川縣西南流合諸水

經城北而西注之中清河上源即龍鬚河也龍鬚

至洞源漕之西北合而南流又受西來一水南經忠

路東又西南曲曲西受胡家塘水東受沙溪水東

南受活龍坪水又南百里入四川北崖關之北西南

流日中清河受東南來二水經郁山鎮北有後江

自東北來會又西南流有水洞河自北來會又西南
至彭水東北有一水自東南來注之又西南經縣城
北又西入烏江又北有合溪口水自西南來注之又西北有

木宗河北自射香溪合二水來注之射香溪出石碛
司東南八十里

山南流合西北來一水經鹽田壩東又西折西南流
南曲曲二百里合西北來一水南入烏江

至江口鎮北曰黔江河有渡頭河南自綏陽縣正安

州合清溪河三江河諸水北流來注之渡頭河出綏
陽縣西北境

婁山關之東北東流合西北來一水東經桑木關北
合南來一水又東北流有關渡河自西來會又東北

曰米糧渡西受一小水又東北有牛渡河自東南來
會又北流有清溪河自西南來會又東北經正安州

城東南又東北有橋溪河自西來注之又東北有二
水合流自東南來注之又東北有三江河自西來會

三江河者一曰安泗溪自西南來一曰羊心溪自西
來一曰河九溪合黃泥河又有白魚河合一水俱自

西北來合而東南故曰三江河也又東北經舊正安
州西又北而東百餘里有大花溪自西南來注之折

續行水金鑑卷百七 江水三

西北流百餘里至江口鎮之西又西流經武隆廢縣
入烏江此水源流六百里

南折西北流有一水自東北來注之經白馬鎮北有

石梁河合三水西南自方竹箐都家壩北流東合後

溪河來注之又北流稍西有大溪河西南自南川縣

合諸水來注之大溪河出南川縣南大山二源合西
北流經縣城西折東北流於城北受

東南來之流金水又東北流有石牛河合西南來一
水西北來一水東北流來會又東北流有坪壩河南

自陶家營來注之又東北經楊柳又北有百灘溪自
壩西鳳凰山東麓又東北入烏江

東來注之又北折西而北流受西南來一水又北曲

曲至涪州城東北銅柱灘入大江亦曰涪陵江也此
水

自西而東而北源流二千三百里會貴州大定貴陽
遵義平越石阡思南六府及湖廣施南半府四川西

陽黔江彭水南川涪州諸水實巨川也水道提綱

涪陵江在涪州東自彭水縣流入又北入大江水經注江水至枳州西延江從牂牁郡北流西屈注之此水乃延江之支津分水北流經涪陵入江故亦云涪陵水也其水南經武陵郡昔司馬錯泝舟此水取黔中郡元和志涪江水在武隆縣南屈北流注於蜀江寰宇記涪陵江自萬寧縣西北二百八十里至關頭灘長百步懸崖倒水舟楫莫通舊志自彭水江口鎮西流入武隆廢縣界一百二十里至關頭灘五里至城西南又五里至石牀灘又十里至白馬鎮入涪州界又折北流一百二十里至州東入大江大清一統志

續行水金鑑卷二百七

江水三

皇朝通志

大江既會黔江又東北至南沱折西北流二十里復東北又東南而東流北岸受小水二曰渠溪河出忠州西北山西南流二百餘里經豐都縣北境又西南至北涪鎮之南西入江曰馬灘河出豐都北山西南流入江南岸受小水二曰羅雲溪北流入江其口正對北岸之馬灘河曰白水溪在羅雲溪東東北流入江
入江水道提綱

大江自重慶府涪州流入忠州經豐都縣南大清一統志經豐都縣南有葫蘆溪自湖南界上經石碛廳來會

皇朝通志

又東稍北經豐都縣城南有葫蘆溪自東石碛司合諸水來注之葫蘆溪有兩源東出湖廣界上山北源曰龍觜溪二水合西南流南源曰冷清溪亦二水合西流而會曰後河又西經石碛司北有漆蘭溪自北來注之又折西南流有江池溪自西北

來注之又西南流折而西北又折
西流入江在縣東南 水道提綱

三江溪在廳治東北八十里有三源一出桂子洞一

出冷清溪一出龍背山皆在中路司界西流七十里

至沙子關三溪合流又八十里遶廳治北又西北流

七十里經豐都縣界漩孔山龍洞出豐都縣南曰葫

蘆溪又西入江 大清一統志

經忠州南有滄溪河塗井河自梁山縣來會 皇朝通志

又東北有龍停溪自城北來注之又東北流百二十

餘里經倒鬚灘北岸受小水七至忠州城南南岸受

小水二 北岸所受水自龍停溪而東北曰赤溪曰丁

合而注江當灘之尾曰泉水溪曰漕溪即忠州西南

也諸溪皆出西大山東南流入江正當州城之南曰

鐘溪出方斗山西北流 又東北有滄溪河自西北來

入江 正當州城東南 注之 滄溪河即鳴玉溪出梁山縣南境山東南曲曲

江有沿溪自東南來注之 沿溪二水合 又東北有塗

井河自西北來注之 塗井河出梁山縣東境山東南

水道

大江又東北經州南又逕虎鬚灘舊志州西二里有

石梁亘三十丈橫截江中俗呼倒鬚灘即水經注所

謂虎鬚灘也 大清一統志

經萬縣南有西河水小江水來會 皇朝通志

經西界沱西四方山東麓 西界沱在東岸 又東北有

合溪自西來注之 合溪亦曰 又東北北岸受二水 曰

河溪稍長曰楊河又東北折正北流東岸受二水曰
水俱東南流入江又東北折正北流東岸受二水曰
水溪西北流入江曰渡稍西北至萬縣城南有西河
口溪北流折而西入江

自西北來台北一水經城西而東南注之西河即芎
溪出西北

山南流折而東又東南流有一水即彭溪北折東流
自山中南流來會經縣城西而南東入江

而東北自忠州東北至於
萬縣東二百餘里於鐵鳳山南折而東流至

小江口自萬縣東稍北
至此一百十里有小江北自開縣合諸水來

注之小江有數源一出開州東北山曰板橋溪西南
流有謝家壩水自東南來會又西北流有石家

溪自東北來會折西流至舊縣壩南有北源觀面山
一水自西北來會又西南流有跳蹬河自西北來注之

又南經縣東南境有西源曰臨江自西南來會始曰小江亦
南來會折東南流有墊江自西南來會始曰小江亦

曰清水江又東南百里至小江口之西南入江
自小江口東至雲陽城七十餘里水道提綱

大江又東北入夔州府萬縣界大清
一統志

續行水金鑑卷百零七 江水 三

經雲陽縣南有新軍河自湖北施南府界來會皇
朝通志

又東經山麓又東經雲陽縣城南而東有新軍河自

西南來注之新軍河源出湖廣施南府界兩水西源
出支羅所塘東北流東源出磁洞北流

入石龍關西北界合而東北流凡二百餘里東
經雲陽之南境至城南北入江水道提綱

新軍河在雲陽縣東南三十里源出湖北恩施縣界

東北流二百里入大江大清
一統志

東瀼河自開縣來會皇
朝通志

有東瀼河北自縣城東來注之東瀼河源曰五溪河
出北與陝西界南九

龍山之南麓南流山中經開縣東北境九二百餘里
至五溪關東有石土河自東來會又東南曲曲流曰

東瀼河又百餘里經雲陽縣城東北又東
南入江正對南岸新軍河口水道提綱

湯溪水在雲陽縣東即今東瀼河也水經注湯溪水

源出胸臆縣北六百里上庸界南流歷縣翼帶鹽井
下與檀溪水合又南入於江名曰湯口舊志東襄河
在縣東一里源出縣北九龍池 按輿圖東襄河上
流曰五溪關東至雲陽縣東入大江其源流之長與
奉節之大襄相等自雲陽以東奉節以西惟有此水
其即古之湯溪無疑舊志以東襄湯溪分爲二誤大

清一
統志

又東北有頭塘溪自奉節縣來會

皇
朝通志

又東稍北經山麓東流數灘南岸受老馬五龍二溪

水北岸受頭塘溪水

頭塘溪出夔州府治奉節縣西
北山東南流經縣西境南入江

自雲陽東至此百
里水道提綱

續行水金鑑卷二百零七

江水

清襄水在奉節縣西二十里即北崖口溪瀉出兩山

間東入大江亦稱頭塘溪

大清
一統志

至夔州府城南經八陣磧東出爲瞿塘峽經白帝城南

爲灩澦堆有小河鐵柱河來

皇
朝通志

又東經南鄉峽虎鬚灘至夔州府城南經八陣磧東

出爲瞿塘峽有小河西自分水嶺經城東來注之

又東經白帝城南當瞿塘峽口爲灩澦堆江流至險

處也北岸受鐵柱溪水南岸受大溪河水

灩澦堆石
當奉節東

南在大江中流惟西南近岸其東爲龍脊灘小河
北出陝西南界之分水嶺南流曲曲隨山麓東南曰
分水河二百餘里至鳳寧山東又東南百里西受一
水又東南流北受一水又東南經夔府城東北又南
入江鐵柱河自北山南流經白帝城東南入江
大溪河出西南境山東北流百餘里入江水道堤

綱

明統志岷江經本府入瞿塘峽過巫山夏秋水大峽
流百里間灘如竹節波濤洶湧舟楫多驚舊志自瞿
塘而下謂之峽江又謂之鎖江 大瀼水在奉節縣
入蜀記山間之流凡通江者土人多謂之瀼方輿勝
覽十頃池一道南流為西瀼水明統志大瀼水在府
地東自達州萬頃發源經此流入大江舊志在縣東
一里按輿圖此水源出太平縣分水嶺曰分水河東
南流三百里許至府城東入江 大清一統志
至巫山縣南有大寧河自湖北竹山縣合諸水來會

皇朝通志

續行水金鑑卷二百四

江水 三

稍南而東經南岸山麓八十里至巫山縣城南有大
寧河合諸溪水自北來經縣城東北而南注之 大寧河東

北出湖北竹山縣西南境蕭家坡之西北山二水合
西南流入縣東北界出山西流百六十里曰東溪河
至鹽井東北有西溪河西自陝西界山東南流來
會又南至鹽井東南有後溪河自西南來會折東南
流數十里又折西南至大寧縣東南有白楊河自西
北山東南流合西南來之水浪小溪二河經縣南而
東來會又南流數十里折而東南有龍溪上田二河
先後自西南來會又東南數十里經大昌廢縣南有
楊溪河東北自竹山南界麥場壩西南流二百里北
合一水經廢縣東南來會遂南百餘里依山麓東南
經巫山西麓至巫山縣城
東南入江 水道提綱

巫溪水今日大寧河一名昌江水經注巫溪水導源
梁州晉興郡之宣漢縣東又南經建平郡秦昌縣南
又經北井縣西東轉歷其縣北水南有鹽井按輿圖

此水源出大寧縣西北接陝西平利縣界曰西溪東
南流百里許有東溪自湖北竹山縣界西流合焉折
西南經鹽井東有後溪河東流入焉又轉東南經大
寧縣界東又南有白楊河合水浪小溪二水經縣西
流入焉又南會西來之龍溪上田二水至廢大昌縣
南有楊溪會湖北房縣之水自縣東西流入焉又南
流百餘里經巫山縣東入大江大清一統志

經巫峽有白水河自建始縣來會

皇朝通志

又東經巫山南麓曰巫峽南岸受小水二日觀渡河東流經水
山北折東北流循江南岸大山南麓而東北入江土人亦曰巫山以在縣東者為十二峯也曰白水河自建始縣東北境山東北流入江北岸受小水一日邊魚溪北自巫山十二峯東麓南

續行水金鑑卷二百四十七

江水

流入江道提綱

折東南流入湖北界

皇朝通志

又東南流入湖北界

計自敘州府東東北至巫山縣徑一千四百餘里自巫山縣始

折而東南流水道提綱

大江自忠州流入東北經萬縣雲陽奉節巫山四縣南又東流入湖北大清一統志

續行水金鑑卷一百四十七終

